



UNIVERSITÄTS-
BIBLIOTHEK
PADERBORN

**R. P. Georgii De Rhodes Avenionensis, È Societate Iesv,
Philosophia Peripatetica, Ad Veram Aristotelis Mentem**

Rhodes, Georges de

Lvgdvni, 1671

Privilege Dv Roy.

[urn:nbn:de:hbz:466:1-95638](https://nbn-resolving.org/urn:nbn:de:hbz:466:1-95638)

PRIVILEGE DV ROY.

LOVIS PAR LA GRACE DE DIEV, ROY DE FRANCE ET DE NAVARRE, à nos amez & feaux Conseillers les Gens tenans nos Cours de Parlemens, Baillifs, Seneschaux, Prevôts, leurs Lieutenans, & tous autres nos Justiciers, & Officiers qu'il appartiendra, Salut; Nôtre cher & bien amé CLAUDE PROST, Marchand Libraire de nôtre bonne ville de Lyon, Nous a fait remontrer, qu'il a tout récemment fait imprimer & mettre au jour, sous Nôtre permission, tout le Cours de Theologie, composé par le Pere George de Rhodes, de la Compagnie de IESVS, au grand contentement & vtilité du public, & qu'il a depuis recouvert vn autre manuscrit du mesme Autheur, intitulé *R. P. Georgij de Rhodæ Auenionensis, à Societatis IESV, Philosophia Peripatetica, ad veram Aristotelis mentem, Libris quatuor Digesta & Disputata; Pharus ad Theologiam Scholasticam*, lequel il souhaitteroit de donner aussi au public, afin d'accomplir toutes les œuvres dudit Autheur, & que les doctes & curieux puissent avoir la satisfaction qu'il en esperent; mais comme il a déjà fait de grands frais & dépenses pour ledit Cours de Theologie, & qu'il convient d'en faire encore de tres-considerables, il a iuste sujet de craindre qu'après avoir fait de si grandes avances, & exposé en vente, quelques autres jaloux & envieux de son travail, ne voulussent au prejudice de l'exposant, l'imprimer ou faire imprimer, ce qui seroit sa totale ruine. C'est pourquoy, il Nous a tres-humblement supplié de luy accorder Nos Lettres sur ce nécessaire. A ces causes, desirant favorablement traiter ledit Exposant, & qu'il ne soit frustré de ses avances, & du fruit de son labeur, Nous luy avons permis & octroyé, permettons & octroyons par ces presentes, d'imprimer, ou faire imprimer ledit Cours de Philosophie en tel volume & caractère, & par tel Libraire ou Imprimeur que bon luy semblera, iceluy exposer en vente, & distribuer pendant le temps & espace de dix années à commencer du jour qu'il aura esté achevé d'imprimer. Faisons defenses à tous autres Libraires & Imprimeurs, & autres personnes de quelque qualité & condition qu'ils soient d'imprimer ou faire imprimer ny mettre ledit Livre en vente durant ledit temps, sans le consentement dudit Exposant, ou des ayans charge de luy, à peine de confiscation de tous les exemplaires contrefaits, & de deux mille livres d'amande, applicable moitié à Nous, & l'autre moitié audit Exposant, & de tous dépens, dommages & intersts, à la charge de mettre deux exemplaires dudit Livre en nôtre Bibliotheque publique, & vn en celle de nôtre tres-cher amé & feal le Sieur Seguier, Chevalier, Chancelier de France; Si vous mandons & tres-expreslement enjoignons faire iouir ledit Exposant du contenu en ces presentes pleinement & paisiblement, faisant cesser tous troubles & empeschemens au contraire, sans qu'il soit besoin d'autre signification de cesdites presentes que d'en mettre vn Extrait au commencement ou à la fin dudit Livre; & d'autant que desdites presentes on pourra avoir besoin en divers lieux; Nous voulons qu'aux copies deuëment collationnées par l'un de nos amez & feaux Conseillers, Secretaires, foy soit ajoutée comme à l'Original. Mandons au premier nôtre Huissier ou Sergent sur ce requis, faire pour l'exécution des presentes, tous Exploits requis & nécessaires; Car tel est nôtre plaisir. DONNÉ à Fontainebleau le sisième jour d'Octobre, l'an de grace mil six cens soixante-vn, & de nôtre Regne le dix-neuf.

Par le Roy en son Conseil.

Signé,

GVITONNEAU.

Et ledit Claude Prost a transporté le susdit Privilege à Jean Antoine Huguetan, & Guillaume Barbier.

Achevé d'imprimer le 27. Janvier 1671.

Facultas